



Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Quomodo eos iam factos viros ad religionis cultum traduxerit. Cap. LII.

urn:nbn:de:hbz:466:1-29861

Tum horum Antesignani, manipulares, duces ordinum
præfecti, quorum ipse pater & rei militaris usum & con-
stantem erga ipsos benevolentiam expertus esset.

*Quomodo eos iam factos viros ad religio-
nis cultum traduxerit.*

CAP. LII.

Igitur dum iam Cæsares essent, sed ætate adhuc teneræ,
dabantur eis, quorum & ope & opera publicas res admi-
nistrabant. Sed ad virilitatem maturescientibus paterna
institutio satis erat, qui præsentes eos ad paterna studia ex-
timulauit, & ad imitandum pietatem eius instituit, ab-
sentes autem regiis literis compellans, salutaria præcepta
tradidit. In quibus illud maximum & præcipuum fuit, ut
Dei qui rerum omnium dominus est, cognitionem, & san-
ctam aduersus illum religionem omnibus opibus atque a-
deo ipsi regno anteponerent. Iam aliquando liberum eis
fecit, ut per se aliquid ad Reipub. utilitatem gererent: im-
primis verò hortabatur, ut summa cura afficerentur erga
Ecclesiam Dei præcipiebatque ut plane & sine fuco Chri-
stiani essent. Atque eos quidem pater sic instituebat, Cæ-
terum hi maturo iudicio sensuq; prædicti cum essent, non
iam eius admonitionibus, sed sua ipsorum diligentia ni-
xi, patris exhortationes longè superabant, mentes sem-
per ad pietatem habentes intentas, & ecclesiæ ritus in ipso
palatio cum suis omnibus obseruantes, sed illud quoque
paterna cura solicitudeque prouidit, ut tum filii suis con-
tubernales adhiberentur hi, qui vera religione pietateque
pollerent, tum magistratum primores, quorum fidei re-
rum publicarum cura delegata foret eiusdem generis essent
omnes. His igitur eximia erga Deum fide hominibus, eos
veluti validis quibusdam propugnaculis munivit, robo-
ravitque: vbi verò hæc omnia recte & ordine gesserat Con-
stantinus, ac res præterea commodè constituerat vniuersas,
Deus boni cuiuslibet arbiter iam oportunum tempus ad-
esse videns, quo magnificentioribus illum donis remune-
raret, præsentis vitæ vinculis eum absoluebat.

Quod